

Nuuk, decemberip 18-iani 2023

Uunga: Aalisarnermut Piniarnermullu Naalakkersuisoqarfik
cc: Uffe Sveegaard

Tusarniaanermut akissuteqaat pillugu: Nipisanniarnermi nalunaarut pillugu siunnersuut

Aalisarnermut Piniarnermullu Naalakkersuisoqarfimmit Aalisarnermi Siunnersuisoqatigiinnut nipisanniarnermi nalunaarut nutaaq ilanngussartaqartoq pillugu 17. novemberi 21. novemberilu 2023 tusarniutigineqartoq akissuteqaammik 18. december 2023-imut killilerneqartoq maanna Oceans North Kalaallit Nunaannit misissorsimalereerparput.

Nipisanniarnermi nalunaarutissatut siunnersuutigineqartoq nutaaq tamakkiinerusoq isigalugu ONKN-ip tapersorsorpaa. ONKN-imit maluginiarneqarpoq maanna nalunaarummut atuuttumut sanilliullugu missingersuut itisiliinerummat ersarinnerusumillu oqaasertalersorneqarluni, allannguutit inatsisaasoq paasiuminarnerulersippaa ersarinnerulersillugulu tamannalu ONKN-ip ilalerpaa. ONKN-imit maluginiarparputtaa inuussutissarsiutigalugu aalisarnermi kikkut peqataalersinnaanerisa kikkullu saniatigooralugu aalisartuunerannik aalajangersagaq missingersuummi peerneqarsimmata, tamannalu ONKN-imit immikkut isumaqarfigineqanngilaq.

Aalisarnerup ammaanqarnissaanik aalajangiinnermut akisussaaffik tunitsiviit aamma aalisartut suleqatigiiffiiniit Aalisarnermut Piniarnermullu Naalakkersuisoqarfimmut nuunneqarnera missingersuummi allannguutitut pingaaruteqarnerpaatut ONKN-imit maluginiarneqarpoq. Aalajangiisoqartinnaguli suleqatigiiffiit sulii isumasiorneqartassasut allaqqavortaaq. Tamakkuninnga aqutsisutut Naalakkersuisut aalisarnermi ingerlatsisut pinnagit aqutsinermi inatsisaasut naapertornerullugit allannguisoqarnera ONKN-imit tapersorsorneqarpoq. Tamakkiinerusoq isigalugu piujuartitsineq tunngavigalugu aalisarnerup ingerlanneqarnissaanik kiisalu nipisanniarnermi Marine Stewardship Council (MSC)-mut uppersaateqarnerup attatiinnarneqarnissaanik Naalakkersuisut kissaataannut atatillugu tunngaviumik ajornannginnerusumik aqutsisinnaaneq anguneqassaaq.

Nipisanniarnermi MSC-mut uppersaateqarnerup piginniinnarnissaannut pisisuukkanillu iliuuseqarluni millisaasoqarnissaanik piumasaqaateqartoqarnissaanik ingerlaavartumik MSC-mit sukaterisoqarnissaa ilimagineqarpoq. Mitermik pisisuugaqartarnek piniarnivimminngaanniit miteqassutsimut sunniuteqarnerusoq ONKN-imit maluginiarneqarpoq. Aalisarnermut sunniuteqarpallaanngitsumik pisisuugaqarnerup millisarnissaanut iliuusissanut misissorsuisoqarnissaanik Naalakkersuisut nukittorsaassasut ONKN-ip kaammattuutigaa.

Ilanngussamut tunngatillugu aqutsisoqarfiit pillugit assit atorineqartut ersarinnerulersinneqarnissaat ONKN-ip kaammattuutigaa. ONKN-imit tusarniaanermut peqataanitsinnut qujavugut siunissamilu suleqataanitta ingerlatiinnarnissaanut qilanaarluta.



Oceans North Kalaallit Nunaat
Postboks 1433, 3900 Nuuk

Inuulluaqqusillunga,

Parnuna Egede Dahl
Siunnersorti, Oceans North Kalaallit Nunaat
e-mail: parnuna@oceansnorth.gl